

# Melele kin Naninmej in Komalij

Nan melele kin naninmej in komalij, jej aikuij mokta kolmenlokijen kin ajmour in enbwinnid. Ne enbwin ko ad rej naninmej, jej kommani men ko nan kajmouruur. Nan waanjonak, elane elap ad pokpok, jemaron kajjeon kakije, daak uno, ak loelok takto eo.

Ak ta eo enaaj walok elane enana ad mour nan jonan en ejjelok ad maron? Ta eo jej komman elane jejab maron kiki kinke elap ad kolmenlokijen? Ej aikuij in wor an bulaan nan kemour kain enjaake rot in, einwot pokpok. Men kein rej waanjonak in naninmej in komalij. Elane melele in ekaal nan kwe, jab inepata, kojjab make iaam, im ewor jipan.

Ilo kar mokta, edik aer katak kin naninmej in komalij jen naninmej in enbwin. Ijoke, menin emoj an oktak kio. Emoj ad katak kin kejbarok naninmej in komalij ko ad emaron kadiklok an aolep entaan, im kemij kejatdikdik ke konaaj jipan kem katakin ro jet.

Ippen doon jemaron emmanlok ad melele im jipan doon kin naninmej in komalij im enbwin.



**EXODUS  
REFUGEE  
IMMIGRATION INC**

## Kin Exodus

Exodus Refugee Immigration ekar komman nan kejbarok jimwe an arnej ilo aer komman jikin jokwe ko im jipan ro ejjelok aer jikin jokwe bwe ren maron ele jen ijoko rej kalbuuj ie, rejjab bait kake jimwe ko aer, im rej pad ilo pata ilo aer karuwaineneiki er nan Indiana..

Exodus ewor bwebwenato in etto in aer karuwainene rein ejjelok jikier jen lal ko jet, manit ko, kajin ko, tomak ko, im wawein aer tomak ilo kien. Kem ar jinoo ilo 1981 ilo kotopar eo nan jermal kin aikuij ko an arnej ro rej delon tok jen bar jet lal im arnej in Cuban, ro rekar itok einwot mottan kar aer kotak loon eo Mariel ilo 1980. Jen ien eo, Exodus ekar jipan taujin arnej ro ejjelok jikier jen elonlok jen 50 lal ko im rekar jino itok im mour ilo Indiana.

Melele kein ekar waloktok jen tiim eo an Kokmanman Komalij ilo Exodus. Elane kwoj konaan jela ne kwoj maron pad ilo jorpej kein nan kokmanman komalij eo am ilo Exodus, komaron kurtok opij eo am ilo 317-921-0836. Elane kwoj konaan jela elaplok kin Exodus, komaron lale website eo am ilo: [www.exodusrefugee.org](http://www.exodusrefugee.org)

## Ta in Naninmej in Komalij?



## Ta in Naninmej in Komalij?

Naninmej in komalij ekitibuuw wawein ad enjaake, ta ko jej lomnaki, im ta ko jej kommani im wawein ad makitkit. Jemaron bar nae etan menin enjaake, kolmenlokijen, im wawein ad makitkit ilobulej. Komaron lomnak, enjaake, im makitkit in wawein ko raajmuruur im jab ajmuruur nan kwe. Naninmej in komalij elap an aurok nan kajojo eddoklok in mour in, jen ajri ro nan ritto ro. Jet ien jemaron katak nan make kokmanmanlok ak kin jipan an ro mottad im baamle, ak jet ien jej aikuij jipan jet ro retijemlok ilo bukot mejlan naninmej in komalij.

## Ewi wawein an jela kwoj aikuij jipan?

Elane kwoj uaak aet nan kajjitok kein, konaaj bok am jipan jen ro retijemlok.

- Enana ke am mour, kolu, komijak, ak mok aolep ien?
- Epen ke am kiki?
- Ebool ke am menin kolmenlokijen, im epen kabojraki?
- Konaninmej ke ak kometak, ak takto ro rej ba koajmour?
- Konanin ke enjaake an men ko rekar walok jemaan im renana bar waloktok?
- Epen am tot im kemejmej men ko?
- Kwoj ke enjaake an ejjelok am kajoor?
- Kwoj ke illu kin ejjelok unin?
- Kwoj ke nana am mour kin juon men eo kwar jab kommane?
- Epen ke am jijjot im tot?

## Ta eo komaron komman nan kokmanman naninmej in komalij eo am?

- Kalap ien am kiki
- Kan mona eo oone
- Komakitkit enbwinnum, ekjorjaij.
- Ba nan juon eo kolukin leke ke koentaan im aikuij jipan
- Monono kin tobrak dikdik ko
- Kajjeon kamolol kin juon men eo ej tobrak ilo juon raan.
- Jar nan kokmanman am mour.
- Diwoj nan naboj nan etetal ak pad im lale menin komanman ko.
- kenono, majej, ak pad ippen bar jet armej.
- Bok kituwom.
- Kajjeon jipan ro jet.



## Kemejmej, kojlab make iaam, im enaaj bar emman am mour

## Elon wawein ko nan kokmanman naninmej in komalij eo am. Ewor kejatdikdik aolep ien.

## Elane kwoj aikuij wot jipan?

Ilo United States, elon armej emoj katakin er bwe ren jipan. Psychologist ro, counselor ro, social worker ro, im therapist ro emoj katakin er aolep nan jipan eok melele, kokmanman, im maron bukot mejlan naninmej in komalij eo am. Psychiatrist ro rej takto ro im elap aer tijemlok ilo naninmej in komalij im maron lewaj uno ko elane emenin aikuij. Aolep armej rein retijemlok renaaj ronjake abonono ko am im jipan eok katak wawein kokmanman am mour. Kemij nae etan menin therapy, im elon bar kain roktak jen doon. Jet uno remaron kemour naninmej in komalij eo am einwot bar jet naninmej ko. Ijoke, uno ko rej menin aikuij wot nan jermal ilo ien therapy nan komman jemlok ko remman.



## Ebok Jipan

### Elane kwoj enjaake am pad ilo kauwatata, kurlok 911.

- Elane ewor am kolmenlokijen in kametak eok make im aikuij kenono ippen bar juon, kurlok 988 jabdewot ien, raan ak bon, im juon armej enaaj jipan eok.
- Ba nan takto eo am, im remaron kabok jipan nan eok.
- Elane ewor an keij manija ak juon eo kwoj bok jipan ippen, komaron kajjitok ipper nan jipan eok kabok jipan ippen ro retijemlok ilo jermal in.